


詞學叢書



詞學叢書



樂府雅詞拾遺下

寶鼎現

晏洞作

杜韋娘

摸魚兒

天香

滿庭芳

瀟湘靜

十月桃

漢宮春

三首

燭影搖紅

風流子

二首

夏日燕巖堂

漁家傲

醉春風

卓牌兒

喜遷鶯

南鄉子

二首

望遠行

歸田樂

臨江仙

行香子

西江月

回文

訴衷情

二首

雨中花

遶池遊

好事近

三首

清平樂

青門引

阮郎歸

點絳脣

二首

海棠春

眼兒媚

宴桃源

燕歸梁

探春令

祝英臺

鷓鴣天

四首

憶真妃

夜遊宮

楊柳枝

攤破浣溪沙

浣溪沙

二首

一翦梅

卜算子

二首

憶王孫

減字木蘭花

二首

鶴沖天

二首

生查子

二首

玉樓春

南歌子

三首

樂府雅詞拾遺下

寶鼎現

康與之

夕陽西下暮靄紅溢香風羅綺乘麗一作景華燈爭

放濃焰燒空連錦砌覩皓月浸嚴城如晝花影寒籠

絳蕊漸掩映芙蓉萬頃迤邐齊開秋水太守無限

行歌意擁麾幢光動珠一作金翠傾萬井歌臺舞榭瞻

望朱輪駟鼓吹控寶馬耀貔貅千騎銀燭交光數里

似亂一作闌簇寒星萬點擁入蓬壺影裏來伴宴閣

多才一本起句四字無來伴環豔粉瑤簪珠履恐看

看丹詔催奉一作歸春宸遊燕侍便趁早占通一作春

宵醉緩引笙歌妓

一作莫放笙歌起

任畫角吹老

一作徹

寒梅

月滿西樓十二

杜韋娘

華堂深院霜籠月彩生寒暈度翠幄風觸梅香噴漸
歲晚春光將近惹離恨萬種多情易感歡難聚少愁
成陣擁紅爐鳳枕慵欹銀燈挑盡 當此際爭忍前
期後約度歲無憑準對好景空積相思恨但自覺懨
懨方寸擬蠻牋象管丹青妙手寫出寄與伊教信儘
千工萬巧唯有心期難問

摸魚兒

被誰家數聲絃管驚回好夢難省起來無語疎
芳草嫩苔侵徑春晝永遲日暮碧沼浪浸紅樓

簾人靜被風觸一葉兩葉杏花零亂對殘景

是撩撥春心堪恨檀郎言約無定不知何處貪
恣縱酒迷歌逞珠淚迸自別後每憶翠黛憑誰
年相稱又到得今來卻成病了羞懶對鸞鏡

天香

王觀

霜瓦鴛鴦風簾翡翠今年早是寒少

一作較是寒早

矮釘明

窗側開朱戶斷莫亂教人到重陰未解雲共雪商量

不了青帳垂氈要密紅爐收圍

一作圍炭

宜小

呵梅弄

粧試巧綉羅衣瑞雲芝草伴我語時同語笑時同笑
已被金樽勸倒又唱箇新詞故相惱盡道窮冬元來
恁好

滿庭芳

五斗相逢千鍾一飲古今樂事無過香生銀甕
浴春波瀲灩光凝醖面輕風皺淺碧宮羅乘歡處傾
壺痛飲珠貫引清歌云何君不飲良辰美景聚少
離多忍怎放春風容易蹉跎但願一樽常共花陰下
急景如梭須乘醉雕鞍歸去爭看醉顏酡

瀟湘靜

畫簾微捲香風逗正明月乍圓時候金盤露冷玉爐

篆消

一作爐

漸紅鱗生酒嬌唱倚繁絃瓊枝碎輕迴雲

袖風臺歌

一作焰

短銅壺漏永人欲醉夜如晝因念

流年迅景被浮名暗辜歡偶人生大抵離多曾少更
相將白首何似猛尋芳都莫問積金過斗歌闌宴闕
雲窗鳳枕釵橫麝透

案史達祖詞後段起句六字作三字句分兩句且押韻與此不同

十月桃

東籬菊盡徧園林敗葉滿地寒菱露井平明破香籠
粉初開佳人共喜芳意呵手翦密插鸞釵無言有豔

不避繁霜變作春媒 問武陵溪上誰栽分付與南
園舞榭歌臺恰似凝酥襯玉點綴裝裁東君自是爲
主先暖信律管飛灰從今雪裏第一番花休話江梅

漢宮春

江月初圓正新春夜永燈市行樂芙蕖萬朶向晚爲
誰開卻層樓畫閣盡捲上東風簾幕羅綺擁歡聲和
氣驚破柳梢梅萼 綽約暗塵浮動正魚龍曼衍
車交作高牙影裏緩控玉羈金絡鉛華間錯又
笙歌圍著香散處厭厭醉聽南樓畫角

又

梅萼知春見南枝向暖一朶初芳冰清玉麗自然賦
得天香煙庭水榭更無花爭染春光休更說桃夭杏
冶年年蝶鬧蜂忙立馬竚凝情久念美人自別鱗
羽茫茫臨岐記伊尚帶宿酒殘粧雲疎雨濶怎知人
千里思量除是託多情驛使殷勤折寄仙鄉

又

玉減香銷被嬋娟誤我臨鏡粧慵無聊強開強解蹙
破眉峯憑高望遠但斷腸殘月初鐘須信道承恩草花
粹編添在貌如何教妾爲容風暖鳥聲和一作碎
不字

更日高院靜花影重重愁來待只殢酒酒困愁濃長

門怨感恨無金買賦臨叩翻動念年年女伴越溪共
採芙蓉

燭影搖紅

周邦彥

丹臉輕勻黛眉巧畫宮粧淺風流天賦與精神全在
嬌波轉早是縈心可慣更那堪頻頻顧盼幾回席上
見了還休爭如不見 燭影搖紅夜闌飲散春宵短
當時誰解唱陽關離恨天涯遠無奈雲收雨散凭欄
千東風淚眼海棠開後燕子來時黃昏庭院

風流子

張耒

木葉亭臯下

一作亭臯
木葉下

重陽近又是搗衣秋奈愁入

庾腸老侵潘髻謾簪黃菊花也應羞楚天晚白蘋煙
盡處紅蓼水邊頭芳草有情夕陽無語鴈橫南浦人
倚西樓 玉容知安否香牋共錦字兩處悠悠空恨
碧雲離合青鳥沉浮向風前懊惱芳心一點寸眉兩
葉禁甚閒愁情到不堪言處分付東流

又

淑景皇州滿和風漸催促柳花飛過清明驟雨五侯
臺榭青煙散入新火開時繡簾外傍人飛燕子映葉
語黃鸝鞦韆晝永綺羅人散花陰笑隔紅粉墻低
青門多行樂尋芳處何計強逐輕肥空對舊遊滿目

誰共開眉遇有時繫馬垂楊影下風前佇立惆悵佳
期回望故園桃李應待人歸

夏日宴鬢堂

日初長正園林換葉瓜李飄香簾外雨過送一霎微
涼萍燕逕曲凝珠顆襯汀沙細簇蜂房被晚風輕颭
圓荷翻水潑覺鴛鴦此景最難忘趁芳樽泛蟻筠
簞鋪湘蘭舟棹穩倚何處垂楊豈能文字成狂飲更
紅裙間也何妨任醉歸明月蝦鬚簾卷幾線餘霜

漁家傲

輕拍紅牙畱客住韓家石鼎聯新句珍重龍團并鳳

隨君王與春風吹破黃金縷
往事不須憑陸羽
且看盞面濃如乳
若是蓬萊鰲穩負
知何處玉川一枕
清風去

醉春風

趙與仁

陌上清明近
行人難借問
風流何處不來歸
悶悶
回鴈峯前戲魚波上試尋芳信
夜久蘭膏燼
春
何曾穩枕邊珠淚幾時乾
恨恨恨惟有窗前過來
月照人方寸

卓牌兒

譜名卓牌子一
名卓牌子慢

當年早梅芳
曾邂逅飛瓊侶
肌雲瑩玉顏
開嫩桃腰

支輕裊未勝金縷伴羞整雲鬟頻向人嬌波寄語
佩笑解韓香暗傳幽歡後期難訴夢魂頓阻似一

枕高唐雲雨蕙心蘭態知何計重遇試問春蠶絲多

少未抵離愁半縷凝竚望鳳樓何處五十六字者始自楊无咎九

七字者始自万俟咏此詞只九十三字且重押縷字恐有脫誤

喜遷鶯

吳禮之

梅霖初歇正海榴絳藥爭開佳節角黍包金香蒲切

玉處處玳筵羅列鬪巧盡輸年少玉腕衫絲雙結艤

綵舫見龍舟兩兩波心齊發奇絕難畫處此句不押韻與

蔣捷詞同激起浪花飛作湖間雪畫鼓轟雷紅旗掣電奎

得錦標方徹向晚水天日暮猶見珠簾高揭歸棹滿

一作棹

在荷花

荷香作載

十里一鈎新月

南鄉子

別本云鄭文妻作

曉日壓重簷斗帳猶寒起未忺天氣困人梳洗倦眉
尖淡畫春山不喜添閑把繡絲撚絀得金鍼又怕
拈陌上行人歸也未慊慊滿院楊花不捲簾

又

詠雙荔枝

深結化工知賜與衣裳盡是緋曾向玉盤深處光
誤隈隨兩箇心腸一片兒從小便相依酒伴歌筵
不暫離只恐被人分擘破東西怎得團圓似舊時